

Na osnovu Pravila i kriterija firme Mega-Trans d.o.o. Visoko raspisuje se konkurs za dodjelu stipendija za učenike srednjih škola.

Pravo na dodjelu stipendije imaju učenici koji ispunjavaju navedene uslove:

- državljanin/ka Bosne i Hercegovine;
- upisan/a prvi put u drugi, treći ili četvrti razred redovnog školovanja u nekoj od srednjih škola na području Grada Visoko (Gimnazija Visoko, MSS Hazim Šabanović, Medresa Osman ef. Redžović, Franjevačka klasična gimnazija);
- ostvareni opći uspjeh u prethodnom razredu 3 – 5.

Bodovanje i rang lista prijavljenih kandidata/kinja će se vršiti po sljedećim kriterijima:

<b>Akademski kriteriji</b>	<b>30</b>
Opći uspjeh u prethodnom razredu 3 - 5 (opći uspjeh * 5)	25
Nadarenost, sport, sekcije	5
<b>Socijalni kriteriji</b>	<b>70</b>
Pripadnost nacionalnoj manjini	20
Socijalno ugrožena kategorija (primanja manja od 300 KM/članu, stanovanje u iznajmljenom prostoru, socijalna primanja)	10
Veći broj članova zajedničkog domaćinstva (član * 2)	10
Djeca bez jednog ili oba roditelja (5 ili 10)	10
Djeca ratnih vojnih invalida i civilnih žrtava rata (šehida)	5
Teža bolest članova porodice	10
Udaljenost mjesta stanovanja od škole	5

Broj bodova za svaki kriterij predstavlja maksimum po skali. Maksimalan ukupan broj bodova je 100. Tri kandidata/kinje sa najvećim brojem bodova postaju stipendisti. Stipendije se ne mogu dodijeliti za dva učenika/ice iz istog porodičnog domaćinstva. Visina stipendije po učeniku iznosi 100 KM mjesečno, isplaćivat će se za 10 mjeseci školske 2021/2022. godine, počev od marta 2022. godine.

Kod prijave za stipendiju učenici dostavljaju sljedeće dokaze (kopije dokumenata ne moraju biti ovjerene):

- original ili kopiju uvjerenja o prebivalištu (CIPS);
- potvrdu o redovnom pohađanju srednje škole (uvjerenje o upisu u školsku godinu);
- svjedočanstvo prethodno završenog razreda (kopija);
- dokaz o uključenosti u vannastavne aktivnosti, pohađanju sekcija, certifikate ili potvrde sa raznih kurseva, medalje ili zahvalnice sa sportskih turnira, ne starije od 3 godine (ukoliko ima, kao dodatne bodove);

- kućnu listu (izjava o zajedničkom domaćinstvu) izdatu od mjesne zajednice (original), ne stariju od 60 dana;
- dokaz o pripadnosti romskoj nacionalnoj manjini (ukoliko ne piše u svjedočanstvu ili u rodnom listu jednog od roditelja, tada se prilaže izjava roditelja/staratelja o pripadnosti romskoj nacionalnoj manjini ili izvadak iz popisa birača za roditelja/staratelja iz koje je to vidljivo);
- ugovor o iznajmljivanju prostora za stanovanje ili dokaz o stanovanju u socijalnoj ustanovi (ako je to slučaj);
- potvrde o primanjima članova porodičnog domaćinstva navedene u kućnoj listi (potvrda o ostvarenoj prosječnoj plati za prethodna 3 mjeseca uključujući i topli obrok, kopija čeka od penzije, kopija čeka o primanju invalidnine, kopija čeka za primanje dječijeg dodatka ili primanja po bilo kojem drugom osnovu);
- za nezaposlene članove porodičnog domaćinstva potvrda o nezaposlenosti izdata od nadležne institucije – biroa za zapošljavanje;
- izvod iz matične knjige umrlih za djecu čiji su jedan ili oba roditelja umrli, original ili fotokopija;
- za učenike iz porodice demobilisanih boraca, šehida, poginulih boraca, RVI ili civilnih žrtava rata dostaviti dokaz o istom (uvjerenje/potvrdu nadležne institucije);
- za djecu demobilisanih boraca dostaviti dokaz o istom, uvjerenje/potvrdu da je roditelj učenika demobilisani borac, original ili fotokopija;
- medicinski nalaz, potvrdu ili drugi dokaz o teškoj bolesti, odnosno potvrdu o postotku invalidnosti člana uže porodice.

Kandidati/kinje koji/e žele aplicirati za stipendiju mogu prijavu dostaviti ISKLJUČIVO poštom na adresu firme Mega-Trans d.o.o. Visoko, Industrijska zona Ozrakovići b.b., 71300 Visoko, sa naznakom "Prijava na konkurs za dodjelu stipendija". U prijavi obavezno navesti kontakt telefon ili e-mail.

Krajnji rok za apliciranje i dostavu dokumentacije je 25.02.2022. godine.

Nepotpune i neblagovremene prijave se neće uzeti u razmatranje.

Nakon obavljenog procesa rangiranja izvršit će se odabir tri dobitnika/ice stipendija, o čemu će biti obavješteni/e putem telefona i/ili mail-a. Sa odabranim stipendistima će se zaključiti ugovor i odrediti potrebna dokumentacija za naknadnu dostavu.